

UNTUK SIARAN SEGERA



**KENYATAAN MEDIA
KEMENTERIAN PENDIDIKAN MALAYSIA**

**6,034 ORANG GURU COS BAHARU DITEMPATKAN DI
SEKOLAH KPM SELURUH NEGARA**

Kementerian Pendidikan Malaysia (KPM) mengumumkan penempatan seramai 6,034 orang guru baharu Lantikan Secara Kontrak (COS) di sekolah-sekolah KPM seluruh negara bermula pada 15 April 2024.

Seramai 1,858 calon daripada keseluruhan jumlah guru baharu COS ditempatkan di sekolah menengah manakala seramai 4,176 lagi di sekolah rendah. Penempatan guru baharu COS dibuat berdasarkan kepada tiga prinsip asas iaitu kepentingan perkhidmatan, kekosongan perjawatan serta keperluan opsyen / mata pelajaran semasa di sekolah.

KPM ingin menzahirkan setinggi-tinggi penghargaan kepada Suruhanjaya Perkhidmatan Pendidikan (SPP) atas lantikan guru baharu COS bagi memenuhi keperluan semasa di sekolah-sekolah seluruh negara. KPM dan SPP akan terus bekerjasama erat bagi memastikan isu kekurangan guru dapat diatasi.

Pelantikan guru baharu COS adalah cerminan komitmen berterusan Kerajaan MADANI untuk meningkatkan kualiti pendidikan negara.

-TAMAT-

**17 APRIL 2024
KEMENTERIAN PENDIDIKAN MALAYSIA**